

本會會員 Percy，有鑑於本港駕駛愛快的人仕，日益增加，而其中本為駕駛其他品牌汽車人仕為多。以致對愛快產生「愛恨交纏」之情況。

因此，Percy 創作了一份「愛快五字心經」，望可給予愛快新進提供少許資料。會方已安排此作品展示於本會網頁，以供各界人仕閱覽。

「愛快五字心經」內容如下：

愛快羅密歐  
談外型一流  
內籠夠堅抽  
車快又慳油  
迫力皮夠厚  
衰在唔夠收  
踵趾可補救  
若你係高手  
窄彎會推頭  
早收車為優  
V6 氣力夠  
雙火咀一流  
兩副都正斗  
直六唔會有  
事關太落後  
天熱大汗流  
冷氣唔多夠

允保你纖瘦  
雪種隨處漏  
夏天都幾愁  
電器常維修  
搵料打崩頭  
返代理求救  
報價冇理由  
若要開車走  
黑社會出頭  
再擺和頭酒  
冷汗滿額頭  
若然要維修  
到西貢走走  
水貨佬出頭  
為君解千愁  
土瓜灣亦有  
杜強幫你手

改裝料難有  
日本仔出手  
叫價高過頭  
當你係亞茂  
若然荷包厚  
至搵到解救  
要買羅密歐  
勇氣要足夠  
日常勤維修  
要做斯文友  
駕駛要溫柔  
二手市場有  
車靚易甩手  
若你肯接受  
決定羅密歐  
此心經在手  
定必樂無憂